



Erantzuleak kartzelan ikusi nahi dituela dio Jauregik

GASTEIZ

Joxean Lasa eta Joxi Zabalen hilketen erantzuleak epaileen aurrean ikusi nahi ditu Ramon Jauregik, «legearen zama beren gainean eror dadin eta kartzela zigorrak bete ditzaten». PSE-EEko bu-ruzagiaren ustez, gertaera hauek «amaieraraino iristea eskatzen dute», baina aldi berean «ezinbestekoa da gizarte-ari esatea instituzio eta Zuzenbideko Estatuarekiko konfiantzari eutsi egin behar diola».

Jauregi Juan Alberto Belloch Barne eta Justizia ministroarekin elkarriketatu zen herenegun, eta Lasa eta Zabalen gorpuen aurkikuntzarekin sortutako egoera aztertu zuten. «PSE-EEko idazkari nagusi eta Eusko Jaurlaritzako sailburu gisa, argi utzi nahi dut amaieraraino iritsiko den ikerketa sakona desiatzen eta exigitzen dugula. Erantzuleak

epailearen aurrean ikusi nahi ditugu, legearen zama beren gainean eror dadin eta krimen izugarri hauengatik zigorrak kartzelan bete ditzaten», adierazi zuen Jauregik atzo Gasteizko Legebiltzarreko pasiloetan.

Barne ministroa zela gertatutako hilketa hauengatik Jose Barrionuevori orain erantzukizun politikoak eskatzeari «azkarregi» joatea deritzo Jauregik. Balizko erantzukizunak «gertakizunak frogatu» ondoren eskatu beharko direla uste du PSE-EEko buruzagiak.

Bellochen eta epaileen lan polizial eta judizialean konfiantza osoa duela azpimarratu zuen Jauregik, eta azken ondorioetaraino iristeko beharra berretsi zuen, alde batetik «justizia egiteko» eta, bestetik, «herritarren konfiantza berreskuratzeke, ziur egon daitezen mota honetako gertaerak ez direla inoiz berriz jazo-ko».

Batzar Nagusiek aho batez gaitzetsi dituzte gertaerak

DONOSTIA

Adierazpen instituzional bat onartu dute Gipuzkoako Batzar Nagusiek Josean Lasaren eta Joxi Zabalen heriotza gaitzetsiz. Aho batez hitzartu zuten agiria atzo egindako Bozeramaileen Batzordean.

Bertan esaten denez, «zinez samin egunak dira hauek beren senideentzat, tolosarrentzat, gipuzkoar guztiontzat, eta, jakina, euskal herritar guztiontzat». Gipuzkoak une kritikoak bizi dituela diote Batzar Nagusiek eta hildako gazteetako baten anaiak herenegungo prentsau-

rrekoan esan zituen hitzak hartuz, zera gaineratu dute agirian: «Ez dugu mendekurik nahi, guda zikina amaitzea nahi dugu. Eta tamalez, guda guztiak dira zikinak».

«Guda eta gatazka guztiak amaitzea da gure ametsa», diote aurrerago, «berezik euskal herritarrok bizi ditugun gatazkak konpontzea nahi dugu. Eta hori geure esku dago neurri batean, gu guztion lana da». Batzar Nagusiek ahalegina eskatzen dute «gure sufrimendu eta oinazea gaindituz, Euskal Herriaren tzako etorkizun hobea sor dezagun».

Sanzen arabera Allik berak utzi du bere burua zerrendatik kanpo

Horregatik botorik ez dutela galduko dio UPNko lehendakari gaiak

Miguel Sanzen arabera, Juan Cruz Alli bere borondatez gelditu da UPNren hauteskunde zerrendatik kanpo eta alderdiak ez du horregatik botorik galduko. Aitzitik, azken inkestek diotenez UPN gorantz doala azpimarratu du Sanzek. UPNko lehendakari gaiak ukatu egin du PSNrekin koalizio gobernua osatzeko asmoa dutela.

A. UNANUE / IRUÑEA

Nafarroako Gobernuak lehendakariordeak UPNren zerrenda «integratzailea» eta «berritzailea» dela esan zuen Foru Parlamenturako 50 hautagaien aurkezpen ofizialean. Jakina denez, zerrendako lehen postuetan Rafael Gurra, Juan Ramon Jimenez, Nafarroako Gobernuak sei sailburu eta Alfredo Jaime Iruñeko alkatea daude. Alli, berriz, zerrendatik kanpo gelditu da, Sanzek esan zuenez berak hala nahi izan duelako. UPNko lehendakari gaiaren arabera, «beren burua baztertu dutenak besterik ez dira gelditu zerrendatik at».

Alliren eta Sanzen arteko lehiak alderdi barruan tirabira ugari sortu duen arren, UPNk ez du uste horiek eraginik izango dutenik maiatzeko hauteskunde emaitzetan. Sanzen irudikoz, UPNk ez du botorik galduko Alliren bazterketaren eraginez.



UPNko zerrendaburuak, atzo egindako aurkezpenean.

JOXE LACALLE

«Aitzitik, Alli zerrendaburua ez zela izango jakin ondoren egin dugun inkestak abendukoak baino emaitza hobekien aurikusten ditu UPNrentzat», azpimarratu zuen Korellakoak.

Aipatu inkestaren arabera, UPNk 22-24 parlamentari lortuko lituzke maiatzean; PSN-PSOE 12-13; Izquierda Unidak 7-8; Herri Batasunak 5 eta Eusko Alkartasunak 0-2 (Sanzek esan zuenez, Garaikoetxearen alderdia Parlamentuan sartzeko eskatzen den boto portzentaiaren, hain da, % 3aren azpitik gera liteke). Hala ere, Alli hauteskundera beste zerrenda batean aurkezteko aukerak UPNn «kezka» eragin duela aitortu zuen Sanzek.

UPNko zerrendaburuak ukatu egin zuen PSN-PSOErekin koalizio gobernua osatzeko hitzar-

mena dutela. «Hori oposizioko zenbait alderdik diote, intentzio maltzurrez. gainera. Gure asmoa gehiengo zabala lortzea eta gobernu propioa osatzea da», azpimarratu zuen. Haatik, ez zuen baztertu hauteskunde on-dotik sozialistekin edo EArekin hitzarmen bat egiteko aukera. Nahiz eta marko politikoari dagokionez EArekin ados ez egon, gainerako gaietan akordioak lortu ditzaketela aipatu zuen Sanzek.

Azkenik, eta Allik bestela uste arren, UPNk berregituraketarik ez duela behar esan zuen Korellakoak. Honen irudikoz, alderdia etengabe ari da berritzen eta, ondorioz, ez du aparteko alderdiarik behar. Honi lotuta, Sanzek gezurtatu egin zuen bere eskuetik UPNk eskuinerako joera areagotu egingo duela.

Poliziak bi bizilagun atxilotu ditu Barakaldon, lehergai zulo bat dela eta

BILBO

Espainiako Poliziak bi gazte atxilotu zituen herenegun gauean Barakaldon, Efe eta Vasco Press agentziek polizi iturriak aipatuz jakinarazi zuten. Atxilotuak Sergio Ortiz de Zarate, 20 urte-

koa, eta Oscar Ameza Maeso, 27 urtekoa, dira.

Atxilotetak asteazkenean gertatu ziren Barakaldoko Kareaga aldean, bi lagunek aldean zeramaten lehergai 'zulo' batean gordetzeko asmoz. Antza denez, poliziek kontrolatuta zu-

ten 'zuloa' eta gazteak hurbiltzean atxilotu eta Indautxuko komisaldegi eraman zituzten. Bi atxilotuei ETARI laguntzea leporatu die Poliziak.

Aipatutako iturrien arabera, atxilotuek zeramaten poltsan gasolina, azido sulfurikoa eta goma motako 200 gramo lehergai atzeman zuen Poliziak. Beste bertsio baten arabera, 'zuloan' zeudenean atxilotu zituen Poliziak eta bertan bi bidaiari gasolina eta indar gutxi lehergai bat zeuden. Polizi iturrien arabera, sabotajeak egiten dituen talde bateko kideak omen dira Barakaldon atxilotutako bi gazteak.

Atxilotuetako bat, Oscar Ameza, aurretik ere atxilotu izan dute kale istiluekin lotuta. Azkenengoz 1988an, eta auto kontzesionario batzuen kontra molotov koktelak jaurtitzeko leporatu zitoten baina aske utzi zuten kontrako kargurik gabe eta epailearengana eraman gabe.

Egunkaria

Pertsona bat behar du **DEBA-BEHERAN** lan komertziala egiteko.

Ezinbestekoa: — eskualdea ezagutzea.
— kotxea izatea.

Interesatuok deitu martxoaren 31 arte
Andoingo **300222** telefonora.



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

HITZALDI ZIKLOA: 100 MILIOI EMAKUME FALTA DIRA
Emakumeen diskriminazioa Hegoaldean

Ostirala, martxoak 24, 12.00etan:
Emakume etorkinen egoera.
Emakumeen asoziazionismoa

Remel Sipi (Ekuatore-Ginea)
Kataluniako emakume etorkinen
erakundearen koordinatzailea.

Ostirala, martxoak 31, 12.00etan:
Magrebeko emakumeen egoera.

Saida Dorra Mahfoudh
Soziologoa. Tunisko Unibertsitate
eta Tunisiako Emakumeen le-
hendakaria.

29 GELA

29 GELA

— IPESen LAGUNTZAREKIN —